

DECRETO DA ALCALDÍA

ASUNTO: CONCESIÓN DE SUBVENCIÓN NOMINATIVA AO BERTAMIRÁNS FC TEMPADA 2022-2023 (AGOSTO DE 2022 A XUÑO 2023) APROBACIÓN CONVENIO INTERADMINISTRATIVO

EXPEDIENTE: 10946/2023

ANTECEDENTES:

En data 28/07/2022, D. Rafael Budiño Rey con DNI 78781018S, en representación do Bertamiráns FC, nif G-15285851, ven de presentar a correspondente solicitude dunha achega nominativa de 28.000 € para o desenvolvemento do proxecto sinalado no encabezamento do citado escrito.

FUNDAMENTOS DE DEREITO

PRIMEIRO. Acreditación de que o beneficiario reúne todas as condicións establecidas para poder obter a subvención proposta.

Da documentación aportada derívase o cumprimento por parte da entidade dos requisitos establecidos para acceder á condición de beneficiario dunha achega pública, nos termos establecidos no artigo 13 da Lei 38/03, de 17 de novembro, xeral de subvencións, e 9 da Lei 9/07, de 13 de xuño, de subvencións de Galicia.

SEGUNDO. Motivos de interese público que xustifican o outorgamento da achega.

O Bertamiráns FC ten como obxectivo iniciar aos nenos/as da localidade de Bertamiráns e arredores na práctica deportiva regular para que collan hábitos saudables e adquiran valores positivos relacionados co deporte. O Bertamiráns FC imparte formación deportiva a máis de 400 nenos/as, englobados nas modalidades de fútbol 11, fútbol 8 e fútbol sala e nas categorías xuvenil, cadete, infantil, alevín, benxamín e prebenxamín (24 equipos). A parte desta formación, o Bertamiráns FC conta con un equipo de fútbol 11 sénior, en segunda autonómica, ademais de organizar un amplo número de actividades, tanto de lecer coma formativas, como son os Campus de fútbol de verán.

O plan estratéxico de subvencións para o periodo 2023-2025 recolle esta subvención:

Neste Orzamento de 2023 o importe previsto é de 28.000 €.

Así mesmo, as bases de execución do orzamento no seu punto 47 fan referencia á subvención nominativa para a entidade.

TERCEIRO.- Razóns polas que non resulta posible ou conveniente a aplicación dos principios de publicidade e concorrencia.

Dentro do noso termo municipal e na localidade de Bertamiráns, a única entidade que pode desenvolver a magnitude deste proxecto, que engloba as disciplinas de fútbol e fútbol sala, é o Bertamiráns FC, xa que esta entidade conta coa estrutura necesaria para o desenvolvemento do mesmo. Esta estrutura engloba unha serie de recursos, tanto materiais como humanos, necesarios para levar a cabo a oferta deportiva que necesita esta poboación.

Ademais, o proxecto para o que se pide a colaboración do Concello non se refire ao sostemento dunha actividade puntual, senón que é relacionado coa actividade ordinaria do club, cun gran valor social e educativo para a poboación na que actúa.

É por elo que o feito de financiar este proxecto que engloba, tanto o gran número de actividades coma o gran número de usuarios aos que se destina, a convocatoria ordinaria de achegas supón unha incertidume (ao concederse en concorrencia con outras entidades) que podería afectar a realización do proxecto, non

HASH DO CERTIFICADO:
0FD2C3778C7B204298B5CEED0905C886F2BBDE1
ADC051E0DEB2E2D8868A936F3C66A31767B528B7

POSTO DE TRABAJO:
Alcalde
Secretaría accidental

NOME:
GARCÍA PIÑEIRO, JOSE BLAS
VILAS CANTELAR, CONCEPCIÓN

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC2F6CCE087186A8A4C90



tan só este ano, senón a medio e longo prazo. Con esta axuda o que se pretende é establecer que o proxecto se poida manter no tempo e que se faga unha planificación das actividades a longo prazo.

CUARTO.- Acreditación da realización da actividade

Entre a documentación aportada pola entidade figura unha breve memoria da actividade, onde se describe a actividade deportiva que realizou a entidade durante o período que se pretende subvencionar.

QUINTO.- Criterios tomados en consideración para determinar o coeficiente de financiamento.

Á vista da contía solicitada, o coeficiente de financiamento da achega municipal debe ser inferior ao 80 % sinalado na base de execución do orzamento nº 47. Polo tanto os gastos a xustificar terán que ser, como mínimo, os reflectidos na seguinte táboa:

Importe da achega proposta	CF máximo	Gasto mínimo a executar pola entidade (Xustificar)
28.000 €	80,00%	35.000 €

SEXTO.- Consta que a entidade beneficiaria non conta con outras achegas públicas para o financiamento deste gasto.

SÉTIMO.- Consta no expediente informe conxunto da secretaría e da intervención municipal.

En base ao anterior, e vistos os informes favorables do órgano xestor tanto á documentación que integra a solicitude de achega como á xustificación da actividade realizada, e actuando en uso das atribucións conferidas polo artigo 21.1 da Lei 7/85, de 2 de abril, reguladora das bases do réxime local, esta alcaldía RESOLVE:

Primeiro.- Aprobar a concesión dunha subvención nominativa por importe de 28.000 € ao Bertamiráns FC (NIF G-15285851), para o financiamento do desenvolvemento das actividades deportivas durante a tempada 2022-2023 (agosto 2022-xuño 2023) na localidade de Bertamiráns, segundo a memoria anexa a solicitude aportada pola entidade.

1.1	OBJECTO	Colaboración no desenvolvemento do proxecto denominado "DESENVOLVEMENTO DE ACTIVIDADES DEPORTIVAS NA LOCALIDADE DE BERTAMIRÁNS TEMPADA 2022-2023 (agosto 2022-xuño 2023)", nos termos que se indican a continuación, e que constan na memoria aportado polo beneficiario que figura no expediente.
1.2	CARÁCTER NOMINATIVO DA ACHEGA	Dentro do noso termo municipal e na localidade de Bertamiráns, a única entidade que pode desenvolver a magnitude deste proxecto, que engloba as disciplinas de fútbol e fútbol sala, é o Bertamiráns FC, xa que esta entidade conta coa estrutura necesaria para o desenvolvemento do mesmo. Esta estrutura engloba unha serie de recursos, tanto materiais como humanos, necesarios para levar a cabo a oferta deportiva que necesita esta poboación. Ademais, o proxecto para o que se pide a colaboración do Concello non se refire ao sostemento dunha actividade puntual, senón que é relacionado coa actividade ordinaria do club, cun gran valor social e educativo para a poboación na que actúa. É por isto que o feito de financiar este proxecto que engloba, tanto o gran número de actividades coma o gran número de usuarios aos que se destina, a convocatoria ordinaria de achegas supón unha incertidume (ao



		concederse en concorrencia con outras entidades) que podería afectar a realización do proxecto, non tan só este ano, senón a medio e longo prazo. Con esta axuda o que se pretende é establecer que o proxecto se poida manter no tempo e que se faga unha planificación das actividades a longo prazo.								
1.3	PERÍODO SUBVENCIONABLE	O proxecto subvencionado desenvolveuse dentro do seguinte período e este será o período subvencionable: <table><tr><td>Inicio</td><td colspan="2">Agosto de 2022</td></tr><tr><td>Remate</td><td colspan="2">Xuño 2023</td></tr></table>			Inicio	Agosto de 2022		Remate	Xuño 2023	
Inicio	Agosto de 2022									
Remate	Xuño 2023									
1.4.	IMPORTE DA ACHEGA CONCEDIDA.	O importe máximo da achega municipal é de 28.000 euros.								
1.5	CRÉDITO ORZAMENTARIO DE IMPUTACIÓN DO GASTO.	O gasto derivado deste convenio resulta imputable á aplicación orzamentaria 341 489.25 do vixente orzamento municipal, no que existe crédito axeitado e suficiente para a súa atención.								
1.6	ORZAMENTO SUBVENCIONADO.	Os gastos a xustificar terán que ser como mínimo de 35.000 €.								
1.7	COEFICIENTE FINANCIAMENTO DE	Á vista da contía solicitada, o coeficiente de financiamento da achega municipal debe ser inferior ao 80 % sinalado na base de execución do orzamento nº 41.d. Polo tanto os gastos a xustificar terán que ser. como mínimo os reflectidos na seguinte táboa: <table><tr><td>Importe da achega proposta</td><td>CF máximo</td><td>Gasto mínimo a executar pola entidade (Xustificar)</td></tr><tr><td>28.000 €</td><td>80,00%</td><td>35.000 €</td></tr></table>			Importe da achega proposta	CF máximo	Gasto mínimo a executar pola entidade (Xustificar)	28.000 €	80,00%	35.000 €
Importe da achega proposta	CF máximo	Gasto mínimo a executar pola entidade (Xustificar)								
28.000 €	80,00%	35.000 €								
1.8	COMPATIBILIDADE CON OUTRAS ACHEGAS.	A subvención prevista neste Convenio é compatible ca percepción doutras subvencións ou axudas, públicas ou privadas, que a entidade beneficiaria puidera obter para a mesma finalidade, sempre que o seu importe, xuntamente co da subvención municipal, sempre que a suma das mesmas non exceda do gasto xustificado. En caso de que isto suceda, a subvención municipal experimentará a correspondente redución, ate dar cumprimento a tal límite.								
1.9	PAGAMENTO SUBVENCIÓN. DA	O Concello abonará a contía da subvención nun prazo máximo de dous meses unha vez que se aprobe a conta xustificativa presentada polo beneficiario. Para o cobro da subvención a entidade beneficiaria deberá estar ao corrente das súas obrigas tributarias, coa Seguridade Social e co Concello de Ames.								
1.10	INFRACCIÓNS	O beneficiario quedará sometido ás responsabilidades e réxime sancionador disposto na Lei Xeral de Subvencións e, se é o caso, ao disposto no Código Penal (Lei Orgánica 10/85). Será de aplicación o réxime sancionador previsto no Título IV da Lei 38/2003, xeral de subvencións, desenvolto polo Título IV do Regulamento da citada Lei.								
1.11	REINTEGRO	As subvencións serán reintegradas nos supostos previstos no artigo 37 da Lei 38/2003 de 17 de novembro.								
1.12	CONTROIS	O beneficiario queda sometido aos procedementos de control ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo								
1.13	PUBLICIDADE	Os beneficiarios deberán dar a adecuada publicidade do carácter público do financiamento de programas, actividades, investimentos ou actuacións de calquera tipo que sexan obxecto de subvención, unha vez comunicada a resolución da concesión conforme ao establecido na Lei Xeral de Subvencións e aos seguintes aspectos.								

		As medidas de difusión do cofinanciamento deben consistir na inclusión da imaxe institucional do Concello, así como lendas relativas ao financiamento público en carteis, placas conmemorativas, materiais impresos, medios electrónicos ou audiovisuais, equipamento e mobiliario ou ben en mencións realizadas en medios de comunicación. Cando o programa, actividade, investimento ou actuación gozase doutras fontes de financiamento e o beneficiario viñese obrigado a dar publicidade desta circunstancia, os medios de difusión da subvención concedida así como a súa relevancia deberán ser análogos aos empregados respecto das outras fontes de financiamento.
--	--	---

Segundo.- Aprobar o convenio a subscribir coa entidade Bertamiráns FC, que consta como anexo a este acordo.

Terceiro.- Autorizar e dispoñer do crédito por importe de 28.000 € con cargo á aplicación orzamentaria 341 489.25 do orzamento municipal en vigor.

TERCEIRO (CIF)	BERTAMIRÁNS FC (G-15285851)
OBXECTO SUBVENCIÓN NOMINATIVA	Gastos tempada 2022/23 (agosto 2022-xuño 2023)
Importe concedido	28.000 €

Cuarto.- Notificar este acordo á entidades deportiva beneficiaria.

Quinto.- Dar traslado os servizos económicos aos efectos oportunos.

ANEXO I

CONVENIO INTERADMINISTRATIVO ENTRE O CONCELLO DE AMES E A ENTIDADE BERTAMIRÁNS FC POLO QUE SE REGULA A SUBVENCIÓN NOMINATIVA PARA O DESENVOLVEMENTO DE ACTIVIDADES DEPORTIVAS NA LOCALIDADE DE BERTAMIRÁNS PARA A TEMPADA 2022-2023 (agosto de 2022 a xuño 2023)

Ames, setembro de 2023.

REUNIDOS

Dunha parte, José Blas García Piñeiro con DNI 52454964Z, alcalde do Concello de Ames.

E doutra parte, Rafael José Budiño Rey, con DNI 78781018S, representante da entidade Bertamiráns Fútbol Club con CIF G15285851.

Ambas as partes recoñécense mutua e reciprocamente a capacidade legal suficiente e necesaria para este acto, e libremente:

EXPOÑEN

PRIMEIRO. Que o Concello de Ames ten atribuídas competencias en materia de promoción do deporte, en virtude do establecido na Lei 7/1985 de 2 de abril, Reguladora de Bases de Réxime Local, no seu artigo 25.1 "O Municipio, para a xestión dos seus intereses e no ámbito das súas competencias, pode promover toda clase de actividades e prestar cuantos servizos públicos contribúan a satisfacer as necesidades e aspiracións da comunidade veciñal", así mesmo o apartado 2 letra l) do citado artigo establece que o municipio exercerá en todo caso como competencias propias, nos termos da lexislación do Estado e das Comunidades Autónomas nas seguintes materias, promoción do deporte e instalación deportivas e de ocupación do tempo libre.

SEGUNDO. Que a finalidade do presente convenio é canalizar a favor da entidade beneficiaria a subvención que figuran no vixente Orzamento desta Entidade dentro do crédito consignado no capítulo 4 Transferencias correntes a favor de entidades deportivas sendo o importe da dotación de 28.000 € euros, así como establecer as condicións e compromisos que asume a persoa beneficiaria.

O artigo 22.2 da Lei 38/2003, de 17 de novembro Xeral de Subvencións establece que "Poderán concederse de forma

HASH DO CERTIFICADO:
0FD2C3778C7B204298B5CEED0905C886F2BDE1
ADCC051E0DBE2E2D8868A936F3C66A31767B52B87

POSTO DE TRABAJO:
Alcalde
Secretaría accidental
Asinado Digitalmente no Concello de Ames - <https://sede.concellodeames.gal> - Código Seguro de Verificación: 15220IDOC2F6CCE087186A84C90

NOME:
GARCIA PIÑEIRO, JOSE BLAS
VILAS CANTELAR, CONCEPCION

directa as seguintes subvencións:

As previstas nominativamente nos Orzamentos Xerais do Estado, das comunidades autónomas ou das entidades locais, nos termos recolleitos nos convenios e na normativa reguladora destas subvencións.

Así mesmo o artigo 28 da mesma norma establece que os convenios serán o instrumento habitual para canalizar as subvencións previstas nominativamente nos Orzamentos Xerais do Estado, ou nos das corporacións locais, sen prexuízo do que a este respecto estableza a súa normativa reguladora.

TERCEIRO. O Bertamiráns FC ten como obxectivo iniciar aos nenos/as da localidade de Bertamiráns e arredores na práctica deportiva regular para que collan hábitos saudables e adquiran valores positivos relacionados co deporte. O Bertamiráns FC imparte formación deportiva a máis de 400 nenos/as, englobados nas modalidades de fútbol 11, fútbol 8 e fútbol sala e nas categorías xuvenil, cadete, infantil, alevín, benxamín e prebenxamín. A parte desta formación, o Bertamiráns FC conta con un equipo de fútbol 11 sénior, en segunda autonómica, ademais de organizar un amplo número de actividades, tanto de lecer coma formativas, como son os distintos Campus de fútbol de verán.

Dentro do noso termo municipal e na localidade de Bertamiráns, a única entidade que pode desenvolver a magnitude deste proxecto, que engloba as disciplinas de fútbol e fútbol sala, é o Bertamiráns FC, xa que esta entidade conta coa estrutura necesaria para o desenvolvemento do mesmo. Esta estrutura engloba unha serie de recursos, tanto materiais como humanos, necesarios para levar a cabo a oferta deportiva que necesita esta poboación.

Ademais, o proxecto para o que se pide a colaboración do Concello non se refire ao sostemento dunha actividade puntual, senón que é relacionado coa actividade ordinaria do club, cun gran valor social e educativo para a poboación na que actúa.

É por elo que o feito de financiar este proxecto que engloba, tanto o gran número de actividades coma o gran número de usuarios aos que se destina, a convocatoria ordinaria de achegas supón unha incertidume (ao concederse en concorrencia con outras entidades) que podería afectar a realización do proxecto, non tan só este ano, senón a medio e longo prazo.

Con este convenio o que se pretende é establecer que o proxecto se poida manter no tempo e que se faga unha planificación das actividades a longo prazo.

CUARTO. As bases de execución do orzamento no seu punto 47 do orzamento municipal para 2023, fan referencia á subvención nominativa para a entidade.

APLICACIÓN ORZAMENTARIA		BENEFICIARIO		OBJECTO	IMPORTE
		CIF	Nome ou razón social		
341	48925	G15285851	Bertamiráns Clube de Fútbol	Gastos tempada 2022-2023	28.000 €

QUINTO. O obxecto deste convenio é a colaboración no desenvolvemento do proxecto denominado "DESENVOLVEMENTO DE ACTIVIDADES DEPORTIVAS NA LOCALIDADE DE BERTAMIRÁNS TEMPADA 2022-2023 (agosto de 2022 a xuño 2023)

Así pois, e de conformidade co disposto no artigo 22.2.a) da Lei 38/2003 de 17 de novembro, Xeneral de Subvencións e co anteriormente exposto, as partes acordan subscribir o presente Convenio, o cal se rexerá polas seguintes cláusulas:

CLÁUSULAS

PRIMEIRA. O obxecto deste convenio é a colaboración no desenvolvemento do proxecto denominado DESENVOLVEMENTO DE ACTIVIDADES DEPORTIVAS NA LOCALIDADE DE BERTAMIRÁNS TEMPADA 2022-2023 (agosto de 2022 a xuño 2023)

En consecuencia ambas as partes conveñen que a subvención se destinará a financiar os seguintes gastos realizados na tempada 2022-2023:

- Gastos federativos correspondentes á tempada (licencias federativas, canons federativos, inscrición en competicións).
- Gastos de arbitaxes.
- Gastos de transporte.
- Gastos de mutualidades e seguros.
- Gastos de material deportivo de carácter funxible (material didáctico deportivo ou pequeno material).
- Gastos de voluntarios.

SEGUNDA. A contía da subvención ascende a 28.000 euros, que é o importe total do crédito orzamentario autorizado.



O devandito crédito imputase á aplicación 341 489.25 do vixente orzamento municipal, no que existe crédito axeitado e suficiente para a súa atención.

Importe da achega proposta	CF máximo	Gasto mínimo a executar pola entidade (Xustificar)
28.000 €	80,00%	35.000 €

TERCEIRA. PERSOAS BENEFICIARIAS

A entidade beneficiaria Bertamiráns Clube de Fútbol é unha asociación deportiva que ten o seu enderezo social no Concello de Ames, ten personalidade xurídica propia e finalidade non lucrativa e está inscrita no rexistro de clubs, federacións e asociacións deportivas da Secretaría Xeral Para o Deporte.

A entidade cumpre cos requisitos establecidos no artigo 13 da Lei Xeral de Subvención (Lei 38/2003), segundo declaración que se acompaña o presente Convenio.

CUARTA. RÉXIME XURÍDICO APLICABLE

A subvención será compatible con outras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais, sen prexuízo do que puidese establecer a normativa reguladora das devanditas subvencións ou axudas, sempre e cando o importe da subvención concedida en ningún caso poderá ser de tal contía que, aillada ou en concorrencia con outras subvencións, axudas, ingresos ou recursos, supere o custo da actividade subvencionada.

QUINTA.- OBRIGAS DA ENTIDADE BENEFICIARIA DA SUBVENCIÓN:

- Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
 - Xustificar ante o órgano concedente o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce da subvención.
 - Someterse ás actuacións de comprobación, a efectuar polo órgano concedente, así como calquera outras de comprobación e control financeiro que poidan realizar os órganos de control competentes, tanto nacionais como comunitarios, achegando canta información lle sexa requirida no exercicio das actuacións anteriores.
 - Comunicar ao órgano concedente ou a entidade colaboradora a obtención doutras subvencións, axudas, ingresos ou recursos que financien as actividades subvencionadas.
- Esta comunicación deberá efectuarse axiña que como se coñeza e, en todo caso, con anterioridade á xustificación da aplicación dada aos fondos percibidos.
- Atoarse ó corrente no cumprimento das súas obrigacións tributarias e fronte á Seguridade Social.
 - Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cuantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.
 - Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
 - Manter coordinación permanente ca Area de Deportes do Concello de Ames.
 - Difusión do proxecto, en calquera soporte, deberá deixarse constancia da existencia de financiamento do Concello de Ames (folletos, carteis informativos, etc)

Así mesmo a entidade responsabilízase de:

Realizar as actividades que fundamentan o presente convenio.

Contar cos medios persoais e materiais adecuados para o cumprimento dos fins citados.





Velar polo cumprimento dos dereitos e obrigas que as leis lles confiran ós beneficiarios do proxecto, debendo realizar unha evolución do proxecto e da actividade.

No caso de que a xustificación presentada non se adecúe ao previsto no presente convenio, o Concello de Ames requirirá ao beneficiario para que nun prazo de 10 días emende as deficiencias advertidas. De non facelo, perderase o dereito á percepción subvención.

SEXTA. PRAZOS E MODOS DE XUSTIFICAR A SUBVENCIÓN.

Para proceder a xustificara a subvención deberá presentar unha conta xustificativa que acredite o cumprimento do obxecto da subvención presentarse no prazo máximo de dous meses a contar desde o momento de finalización das actividades obxecto da subvención concedida, e en todo caso como máximo ata o 31 de outubro de 2022, e deberá estar asinada por quen ostente a representación legal do club.

A conta xustificativa estará formada por:

a) Unha memoria de actuacións, xustificativa do cumprimento das condicións impostas na concesión da subvención, con indicación das actividades realizadas, dos resultados obtidos e das desviacións acontecidas respecto dos resultados previstos.

b) Unha memoria económica, que conteña una relación numerada dos gastos realizados, xunto cos xustificantes de pago correspondentes, así como o orzamento total das actividades subvencionadas mediante un cadro de ingresos e outro de gastos nos que as cantidades finais deben coincidir, e/ou ter un saldo negativo respecto dos ingresos.

O importe total dos ingresos, non superará o total dos gastos necesarios para a realización da actividade.

c) Os gastos acreditaranse mediante facturas e demais documentos de valor probatorio equivalente que teñen que estar pagados na data límite indicada para a xustificación da subvención.

d) Certificación de estar ó corrente de obrigas tributarias coa Facenda Pública Estatal, a Seguridade Social e a Facenda Autonómica, vixente no momento de presentar a xustificación.

e) Declaración de outras axudas públicas solicitadas ou concedidas para financiar as actividades polas que se solicita a presente subvención

f) Calquera outra documentación que lle sexa solicitada polo Concello en relación co outorgamento subvención. O pagamento realizarase mediante transferencia bancaria na conta que figura no certificado bancario presentado na solicitude, unha vez aprobada a conta xustificativa da subvención, non cabendo pagos anticipados.

SÉTIMA. - CONCORRENCIA E INCOMPATIBILIDADE DE SUBVENCIÓNS.

As axudas obxecto do presente convenio serán compatibles con calquera outras axudas ou subvencións, para a mesma finalidade. En calquera caso, a suma da totalidade dos ingresos destinados a financiar a actividade ou gasto subvencionado non poderá ser superior ao custe total do mesmo.

OITAVA. -CONTROL DAS SUBVENCIÓNS

A beneficiaria deberá facilitar toda a información que lle sexa requirida pola Concellaría de deportes e pola Intervención xeral municipal, Tribunal de Contas e Consello de Contas no exercicio das súas función de fiscalización e control do destino das subvencións.

Os beneficiario quedan sometidos aos procedementos de control ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas.

NOVENA. REINTEGRO

Procederá o reintegro das cantidades percibidas e a existencia de xuros de mora desde o pagamento da subvención ata a data na que se acorde a procedencia do reintegro nos casos do artigo 33 da lei 9/2007. Cando o incumprimento da actividade subvencionada se traduza nunha diminución significativa desta, traducible a termos económicos en función do proxecto presentado e o seu orzamento, pero que non implique verdadeiro incumprimento do obxectivo da subvención, procederá o reintegro na mesma proporción. En todo caso procederá o reintegro do exceso da subvención sobre o custo da actividade subvencionada.





DÉCIMA.- SANCIONES

En canto ás infraccións e sancións en que poida incurrir a beneficiaria da subvención e ao procedemento para a súa apreciación e imposición, estarase ao disposto no Título IV da lei 9/2007, do 13 de xuño, de subvencións de Galicia e nos preceptos da LRXSP (lei 40/2015) e da LPACAP (Lei 39/2015) relativos ao exercicio da potestade sancionadora.

DÉCIMO PRIMEIRA. CAUSAS DE RESOLUCIÓN:

Son causas de resolución deste Convenio:

- incumprimento por algunha das partes firmantes, de calquera das obrigas deste Convenio.
- mutuo acordo.
- A imposición a entidade beneficiaria ou ós seus directivos de multas, sancións administrativas, pena ou medida de seguridade que derive en accións ou omisións que se producisen no ámbito da súa actividade.
- A incoación de dilixencias penais ou administrativas relativas a accións ou omisión realizadas pola entidade ou os seus directivos no ámbito da súa actividade pode dar lugar a suspensión do presente Convenio.

Tanto as causas de resolución ou suspensión deste Convenio, acordaranse sempre previa audiencia a entidade.

En todo o que non estea previsto neste convenio será de aplicación a Lei 38/2003, de 17 de novembro, Xeral de Subvencións e o seu Regulamento de desenvolvemento (RD 887/2006).

DÉCIMO SEGUNDA. PUBLICIDADE

Para o caso de que a entidade beneficiaria da subvención realice algún tipo de actividade publicitaria ou de difusión do proxecto subvencionado, deberá dar a axeitada publicidade ao financiamento municipal.

As medidas de difusión do cofinanciamento deben consistir na inclusión da imaxe institucional do Concello, así como lendas relativas ao financiamento público en carteis, placas conmemorativas, materiais impresos, medios electrónicos ou audiovisuais, equipamento e mobiliario ou ben en mencións realizadas en medios de comunicación.

Cando o programa, actividade, investimento ou actuación gozase doutras fontes de financiamento e o beneficiario viñese obrigado a dar publicidade desta circunstancia, os medios de difusión da subvención concedida así como a súa relevancia deberán ser análogos aos empregados respecto das outras fontes de financiamento.

DÉCIMO TERCEIRA. NATUREZA DO CONVENIO

O presente convenio ten natureza administrativa.

A concesión da subvención obxecto deste Convenio rexerase pola lei 38/2003 do 17 de novembro, xeral de subvencións e o RD 887/2006, do 21 de xullo, polo que se aprobou o seu Regulamento, nos seus preceptos básicos; a lexislación básica do Estado en materia de réxime local; a lei 9/2007, de subvencións de Galicia; os preceptos non básicos da lei 38/2003 e do RD 887/2006; polos pactos que se conteñen neste Convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

As resolucións que se adopten porán fin á vía administrativa e polo tanto contra as mesmas só cabe recurso ante a xurisdición contencioso - administrativa.

DÉCIMO CUARTA. TRATAMENTO DE DATOS DE CARÁCTER PERSOAL.

O responsable do tratamento dos datos que consten no expediente desta axuda é o Concello de Ames. A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto do presente convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención.

A lexitimación do tratamento está baseada no consentimento manifestado coa solicitude de participación nesta convocatoria de axudas.

O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento.

Os datos solicitados unicamente serán obxecto de cesión, no seu caso, previo consentimento da persoa interesada ou





de acordo co previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do tratamento dos datos (Concello de Ames). Tamén poderán exercer os seus dereitos ante o Delegado de Protección de Datos do Concello no enderezo electrónico dpd@concellodeames.gal.

DÉCIMO QUINTA.- INCORPORACIÓN Á BASE NACIONAL DE SUBVENCIONES

En cumprimento do disposto no artigo 20.1 da Lei 38/2003, Xeral de Subvenciones e demais normativa de desenvolvemento, os datos da subvención concedida e a identificación dos beneficiarios serán remitidas á Intervención Xeral do Estado, para que sexan incorporados á Base de Datos Nacional de Subvencions, ca exclusiva finalidade prevista en dito precepto.

Así mesmo, en cumprimento do disposto no artigo 16.3 da Lei 9/2007, de 13 de xuño, de Subvencions de Galicia, o Concello remitalle a mesma información á Consellería de Economía e Facenda, co fin de que a incorpore ao Rexistro público de axudas, subvencions e convenios da Comunidade Autónoma de Galicia.

Do mesmo xeito, e por aplicación do disposto no artigo 18 do RD 887/06, advírtese que o Concello de Ames publicará as subvencions concedidas, expresando na mesma o nome ou razón social do beneficiario, número de identificación fiscal, finalidade ou finalidades da subvención con expresión, no seu caso, dos distintos programas ou proxectos subvencionados e cantidade concedida.

E en proba de conformidade, as partes asinan o presente documento en Ames, na data reflexada nas respectivas sinaturas electrónicas, de todo o que eu, como Secretaria da administración municipal, dou fe.

E en proba de conformidade de canto antecede, asínase polas partes reunidas, o presente Convenio de Colaboración, por duplicado exemplar no lugar e data sinalados.

O Alcalde

A Secretaria Accidental

José Blas García Piñeiro

Concepción Vilas Cantelar

HASH DO CERTIFICADO:
0FD2C3778C7B204298B5CEED0905C86F2BBDE1
ADC051E0DBE2E2D8868A936F3C66A31767B52B87

POSTO DE TRABAJO:
Alcalde
Secretaria accidental

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC2F6CCE087186A84C90

NOME:
GARCIA PIÑEIRO, JOSE BLAS
VILAS CANTELAR, CONCEPCION

